

OKU EMI OKPONDE AKAN
Mme Hebrew 7:1-28.
ỌYỌHỌ UKPEP-ŃKPỌ 438
Eke Mkpawara

IKỌ IBUOT: “Enyiñ baba kiet efen inyuñ iduhe eke enode ke otu owo ke idak ikpa-enyoñ, eke enyenede ndida nnyaña nnyin” (Utom Mme Apostle 4:12).

Usuñ efen iduhe ndinyene erinyaña ukpoñ nnyuñ nnam mbeñeidem ndika Heaven iboḥoke ebe ke Jesus Christ. Abasi ama anam eñwoñ ọno Abraham ete ke edito ke ubon esie kpukpru mme idut ererimbot eyekut edidiñ. Oro ekedi eñwoñ oro ete Jesus eyedi ke ererimbot man edi Andifak nnyin.

Esọñ Eñwoñ

Emi ekedi ñkpon ñkan eñwoñ, emi akanam enode owo. Ekedi ata akpan ñkpọ tutu Abasi ọsoñ enye ye uñwoñ. Ndien sia Enye mikemeke nditomo se ikponde ikan Idem Esie, Enye otomo Idem Esie (emi okodude, edinyuñ odude ke nsinsi) ete Enye eyenam se Enye ọkoñwoñode. Ndusuk mme owo esitiñ ikọ ete ke ndusuk ñkpọ edu emi esọñde enyuñ ebighide nte ererimbot. Edi ererimbot eyebe efep. Ke ntre edieke Abasi ọkpọkoñwoñode ererimbot, eñwoñ Esie ekpebe efep ñko.

Abraham ikenyeneke eyen eren mme eyen añwan ke ini Abasi ọkoñwoñode ete ke Jesus eyedi ebe ke ubon esie, ndien Abraham ekedi akani owo ke ini oro. Edi Abasi ọdọhọ ete, “Ke akpanikọ nditreke-tre ndidiñ fi nnyuñ nnam fi ọtọt.” Oro ọwọrọ ete ke ediwak owo eyedu ke ubon esie. Ndien kiet ke otu mme mmọ oro, ko ke ini iso edidi Jesus. Abraham ama ebet ke ime ke isua 25 mbemiso eyen oro edimana, edi ke akpatre Ikọ Abasi ama ọwọrọ osu!

Mme Eñwoñ Emi Anade Ọno Nnyin

Nnyin imekeme ndikabare nnana ime ke ini mme iboḥọ akam nnyin midighe usọp-usọp; edi edieke nnyin ifiokde ite ke ebeñe nnyin edi uduak Abasi, Enye oyom nnyin isuk imum eñwoñ oro ikama, inyuñ inyene mbuotidem. Ediwak mme eñwoñ edu ke Nwed Abasi eke nnyin ikemede ndida nno idem nnyin, mme eñwoñ nte: “owo eke etienede Mi ndibinke enye nduok” (John 6:37); “Etiene Mi, kpukpru mbufo emi ekpade mba enyuñ ebiomde edidobi mbiomo, ndien Ami nyenọ mbufo nduok-odudu” (Matthew 11:28); Enye eyenam emi ọno nnyin, “Ete, ke ima isio nnyin, ke ubok mme asua nnyin, iyeyak nnyin inam ñkpọ inọ Imọ ke ifure, ke edisana ido ye edinen ido ke iso Imọ ke ofuri uwem nnyin” (Luke 1:74, 75); “Edi mbufo eyebọ odudu, ke Edisana Spirit ama edi edidoro mbufo ke idem” (Utom Mme Apostle 1:8); “Edi ami Jehovah nnam udọñ okure fi” (Exodus 15:26). Abasi ọñwoñ mme utibe utip ọno mmọ oro ekande, Owo eke akande, nyenọ enye ndidia mfri eto uwem, emi odude ke Paradise Abasi” (Eriyarare 2:7). “Owo eke akande, udiana-akpa mkpa idifiomoke enye” (Eriyarare 2:11); “Nyenọ enye odudu ndikara mme idut” (Eriyarare 2:26); “... nyenyuñ ñwet enye enyiñ Abasi Mi ke idem, ye enyiñ Obio Abasi Mi, kpa obufa Jerusalem, emi otode Abasi Mi osuhore ke Heaven edi, ye obufa enyiñ Idem Mi” (Eriyarare 3:12); ye, “Owo eke akande, nyenọ enye nditie ye Ami ke ebekpo Mi, kpa nte Ami ñkakande, nnyuñ nsuhore ntie ye Ete Mi ke ebekpo Esie” (Eriyarare 3:21). Nnyin ke akpanikọ imekeme nditiñ uko-uko ye Paul, Owo-mbet ite ke ima “ibọ mme eñwoñ oro.”

Ukperedem Ini

Ke ini eke nnyin idude mi, edi ekpri idorenyin odu ke ererimbot. Ekedọhọ ete ke nnyin ikesitiñ ibaña ini nte asañade aka iso, edi idaha emi nnyin idọhọ ite ke ini kefehe ebe. Mme uduak ke abaña ndinam mme ikpọ ọtombẹ ñkpọ ekọñ emi abiatde uwem okpon eti-eti, ndien ke akpanikọ ke ini mibighike owo eyekeme ndibiat kpukpru uduot owo. Edi mbom Abasi ikpoñ ọno nnyin emem ye ifure eke inyenede. Ata anditiene-Christ, enye emi ebeñede idem ndisobo ye Ọboñ, enyene utibe idorenyin emi edisode enye ifep ke ererimbot emi ye uwem ke ini Jesus edidide. Nnyin ifinake ibaña mme ekọñ ye mme etop ekọñ, ye mme ọtombẹ ye mme ñkpọ ekọñ emi etopde ke enyoñ. Ke ini ekemde ini Ọboñ ndida ikot Esie nnyoñ Ufok, nnyin iyebọhọ ndik ubierikpe. Oro edi idorenyin emi ukpoñ nnyin eyirede nte ukwak ubom.

Mbiet Ataya

Ke ini ekekõnde Jesus, ndien ọtõnõ nta eset, Enye ama ebe oduk ke Heaven, “ata Ataya.” Oro ekedi ndiduk “mbe ke ukara.” Ikõ oro owut edikpono ke Ataya emi nditõ Israel ekenamde. Ekebahare Ataya esin ke ikpehe iba; kiet ekedi Edisana Ebiet emi itie uwa gold ufõp incense okodude, udiõk-utuen-ikañ gold ye okpokoro uyo-iso. Ke ndibahare Edisana Ebiet ye Edisana ndisana Ebiet (mme Ata Edisana) ekedi ikpehe emi ekedõkde ke utõ ọfõñ kiet. Owo baba kiet ikenyeneke ndibe ke idak esie nduk ke Edisana Ndisana Ebiet ibõhõke akwa oku, oro edi ini kiet ke isua. Ebiet oro ama enyene uteñe akan nte kpukpru owo ekpedukde. Ekpedi nte akwa oku ama otut-utõñ ye Abasi ke usuñ eke ededi, enye ekpenyene ndikpa edieke odukde do. Itie oro ke Ekebe Ediomini emi esinede Ibet Duop okodu. Ke ini Jesus akakpade ke krõs ndodobi ikpehe (mme ukara) amasiaha oto enyõñ osim isõñ, ndise mme uwut-ñkpo emi owutde ete usuñ ndibe nduk ke Ata Edisana Ebiet eberede ọnõ kpukpru owo.

Ke Ibet Akani Ediomini mme item ema edu ke abañã mme oku: ufõk eke mmõ enyenede ndito; utõ ọfõñ eke mmõ enyenede ndisine; utom eke mmõ enyenede ndinam, ye ini eke enamde. Kpukpru mme oku enyene ndito ubon Aaron. Ke ibuot ñwed emi emen Jesus ewut nte Akwa oku nnyin, edi Enye idighe owo ubom Aaron. Ekenam Jesus “oku ke nsinsi nte utõ Melchizedek asañade.”

Melchi zedek

Ke ọyõhõ ibuot 7 ke Mme Hebrew enam añwaña nnyin utõ owo emi Melchizedek ekedide. Enye okodu ke ata anyan ini ke ini Abraham, ndien ekedi edidem Salem (mme Jerusalem). Nnyin imõfiõk ite ke enye ekedi akwa owo, koro Abraham ama ekpe ọyõhõ mbak ñkpo duop ọnõ enye. Enye ama okpon akan kpukpru mme oku emi eketode ubon Aaron, ndien Abraham ama okpono enye ke ndinõ enye mbak kiet ke itie duop ke kpukpru se enye akadade nte mbume ke ekõñ. Melchizedek ama ọdiõñ Abraham.

Nte Abraham ekedide ete kpukpru Nditõ Israel, ye esien Levi ñko, ufõk Aaron, eketie ukem-ukem nte nditõ Aaron ema ekpe ọyõhõ mbak duop enõ Melchizedek. Ke ntre edieke Jesus ekedide oku nte utõ Melchizedek asañade, ndien idighe kiet ke otu ubon Aaron, Enye ama ọfõn akan kpukpru mme oku ke idak Ibet. Ama odu akamba ukpuhõre ke idaha oku ndinyene Jesus ke ebiet emi kiet ke otu nditõ Aaron okpodude. Akana nte ekpuhõ mmõ ke ini ke ini koro mmõ esikabarede edi ñkani owo enyuñ ekpaña, ndien ana akparawa ada itie esie. Edi Idaha-Oku Jesus akaka iso ke nsinsi, koro Jesus odude uwem ke nsi nsi.

Ukpuhõre Ke Ibet

Owo-mbet aka iso nditiñ nte edieke nnyin inyenede obufa idaha-oku, ana nte nnyin inyene obufa ibet. Abasi ọkõnõ Ibet ebe ke Moses ọsõk Nditõ Israel ke ekpri ibio ini, tutu Jesus edi. Ke ini Jesus akabarede edi Akwa oku nnyin eke ọfõnde akan, nnyin imoyom Enye owuk ibet eke ọfõnde akan.

Ke ofuri mbuk Akani Ediomini mme owo ekebebet eridi Messiah mmõ. Kpukpru mme anditiñ ntiñ-nnim ikõ enyene se etiñde ebaña eridi Esie, ndien mme eñwõnõ oro ke abañã akpa eridi Esie kpukpru ema esu ke ini Jesus akamanade ke Bethlehem. Micah ama etiñ ke ñkpo nte isua 700 mbemiso Jesus ekedi: “Ndien afo Bethlehem Eprathah, emekpri ke otu mme tõsin Judah, edi owo eyeto fi ke esit ọnõ mi, eke edidide andikara ke Israel; enye emi eriwoõ ọsõ okodude tutuko, kpa ke eyo eset” (Micah 5:2). Ke ini Herod okobude mme scribe ebiet eke Jesus akpamanade, mmõ ema ekut ñwed oro ke Micah enyuñ edõhõ Herod ete ke ekenyene ndimana ke Bethlehem. Kpa ye oro ediwak mme Jew ikõbuõtke idem ye Enye.

Ntiñ-nnim ikõ Jacab, ke ñkpo nte isua 1700 ke edem, enõ ke mme ikõ eke ọsõnde esisit ndifiõk se ọwoõde, edi enye ọkõdõhõ ete: “Mmõnyõ idikpõñke Judah, eto ọbõñ idinyuñ ikpõñke ñkpatian-ukot esie, tutu Shilon edi; mme idut eyenyuñ ekop enõ enye” (Genesis 49:10). Shilon ọwoõ Jesus, ndien Enye edito ke ubon Judah. Edi nte Paul ọkõdõhõde, owo iketiñke ñkpo ke Ibet ibañã mme oku ndito ke ubon oro. Ke ntre Jesus akabarede edi Oku emi asañade isio, nte utõ Melchizedek.

Nso idi nta emi nnyin iyomde idaha-oku ye ibet efen? Edieke mme owo ekpenyenede kpukpru se mmõ ekeyomde ndinam mmõ ebeñe idem ke abañã Heaven ebe ke Ibet Moses ye idaha-oku nditõ Aaron, nso idi nta emi ekemende enye efep? Ekenõ Ibet ndiwut mme owo nte idiõk-ñkpo ọdiõkde etre, edi owo baba kiet ibõhõ erinyaña ke abañã mme utom eke enye ekemede ndinam. Enye ọkõdõhõ ete: “ku ...” Edi mme owo ikekemeke ndinyaña, ekesuk enanam idiõk-ñkpo ke ini mmõ ekedide mme

anam-idiok. Mmọ ikekemeke ndinim kpukpru Ibet ke minamke mmọ enyene utebe-ikpe oto mbuotidem.

Eñyaña Oto Mbuotidem

Edi mme owo ekeme ndibọ erinyaña ukpọn oto mbuotidem, nte Abraham okọbode, ye nte ediwak mbon Akani Ediommi ekebode. “Edinen owo edida mbuotidem odu uwem” Mmọ emi ekebode erinyaña eto mbuotidem ekeme ndinim Ibet. Owo ekededi emi Abasi obonde, emi onyuñ oyomde ndinam uduak Abasi ke ofuri esit esie, ofiok se idide eti ye idiok. “Edieke owo onyime ndinam se Enye amade, owo oro eyefiok abaña se ñkpepe” (John 7:17).

Edieke afo ama ekenyene erinyaña ukpọn ndien enyene udoñ ndifiak ñka mbine inemesit idiok-ñkpọ ndinyuñ nnam mme ñkpọ eke mme idiok owo eñwen enamde, afo enyene ndiduñre esit fo nnyuñ nse mme afo kosuk odu ye erinyaña ukpọn. Edieke afo adade mme anam idiok-ñkpọ nte mbon ñsaña fo akan mmọ emi edude uwem owo Abasi, afo omọduok ima Abasi ke esit fo. “Nso udeme ke edinen ido enyene ye ukwañido? Nso abuana ke uñwana enyene ye ekim?” (2 Ñwed Corinth 6:15). Edieke afo anamde ñkpọ ọnọ Ọbọn afo unyeneke mbubehe ke mme ukem ñkpọ oro enye emi anmde ñkpọ ọnọ andidiok (Satan) enyenede.

Kpukpru mme unam oro ekewade nte mme uwa ke Ataya ye Itie-ukpono okowut se iditibede inọ Jesus ke ini Enye ekedide. Kpukpru usen ekenyene ndinam nsio-nsio uwa; ekenyene mme uwa eken ke mme saña-saña ini, oro edi ndusuk ini kiet ke isua. Akana nte ewa mmọ enyuñ etoñ ntak ewa. Ke ini Jesus edide, Enye akakpa ini kiet, ọduok Iyip Esie, man ekpe ekom urua ufak ke abaña kpukpru idiok ñkpọ, ndien kpukpru mme uwa etre mi. Jesus okọdọhọ ete: “Okure” (John 19:30). Uduak Erifak ama ọyọhọ. Ini kiet ama ekem ọnọ Enye ndiduok Iyip Esie. Enye ekedi oku “emi asanade, minyeneke ñkari, minyuñ iduehe, emi misañake ye mme anam-idiok, emi ema enyuñ emen enim okoñ akan mme Heaven” (Mme Hebrew 7:26). Mme oku emi ekenamde utom ke idak Ibet ekedi mme owo emi ema ekenam idiok-ñkpọ ini kiet ke idem mmọ, ndien ana nte eyet mme idiok-ñkpọ mmọ efep mbemiso mmọ edi uñwam enọ mbon efen. Edi Jesus akanam inamke idiok-ñkpọ, ndien inyuñ inyeneke ndiduok Iyip ke abaña mme idiok-ñkpọ Esie. Enye akanam kpukpru ke abaña nnyin. Koro Jesus okọduokde Iyip Esie, ekeme ndinam nnyin ibọhọ idiok-ñkpọ edieke nnyin idide itiene Enye inyuñ inyime usuñ erinyaña ukpọn eke Enye onimde.

MME MBUME

- 1 Abasi okosọnọ didie eñwoñọ Esie ye Abraham?
- 2 Abraham ekebet ebighi didie ke abaña eñwoñọ ndiworo nsu?
- 3 Siak ndusuk mme eñwoñọ emi Abasi anamde ọnọ nnyin.
- 4 Nso ikodu ke Edisana Ebiet ke Ataya emi okodude ke ererimbot?
- 5 Anie owo ikpọn ekeyene ndiduk Edisana ndisana Ebiet? Ikafañ?
- 6 Ewe ubon ke mme oku Akani Ediommi eketo?
- 7 Ke ewe idaha ke Jesus akakabare edi Oku?
- 8 Siak ndusuk mme ntiñ-nnim ikọ ke abaña akpa eridi Jesus.
- 9 Didie ke eñyaña ukpọn nnyin?
- 10 Jesus ekenyene ndikpa ikafañ?